

**DIVO ALOYSIO
GONZAGAE
SOCIETATIS JESU
STUDIOSAE
JUVENTUTIS...**

Alfonso Muzzarelli



1
2
DIVO ALOYSIO
GONZACAE

SOCIETATIS IESU
STUDIOSAE JUVENTUTIS PATRONO

SE SUASQUE
PHILOSOPHICAS THESES

PUBLICAE PROPUGNANDAS

COMES ALPHONSUS
MUZZARELLI

FERRARIENSIS
PRATENSIS COLLEGII CICONINII CONVICTOR
ACADEMICUS INAEQUALIS

ETJUSQUE ACADEMIAE PRINCEPS


D. D. D.

Cuilibet contra quamlibet post tertium argumentandi sit copia.



FLORENTIAE MDCCLXVIII.

Typis Joannis Baptistae Stecchi, & Antonii Joeph Pagani ad insigne Lillii
SUPERIORUM PERMISSU.





EX LOGICA.



I.



Logica mentem humanam, ejusque actiones ad verum investigandum ita dirigit, ut ipsa percipiendi, judicandi, ratiocinandi, ordinandi facultas jure dicenda sit. Quare per Logicas institutiones modum edocemur, quo mens rite percipere, ideasque sibi efformare, quo judicia conficere, quo ratiocinari, quo rectâ tandem methodo res, & objecta disponere possit.

II. Ut de modo formandi ideas, ac perceptiones agamus, a celebri de idearum origine controversiâ exordiri opportunum arbitramur, atque ita nobis viam aperire duas inter se maxime adfines, & per se solutu difficiles quaestiones ad unum veluti nodum redigendi, ut hoc evoluto statim pateat, & quomodo, & undè etiam nostrae oriuntur ideae.

III. Ac primò quidem opinionem de ideis innatis a Platone excogitam, deindè, reviviscente Peripateticâ doctrinâ, oblivioni traditam, & XVI. denique saeculo iterùm a Renato Cartesio in lucem editam improbamus: quin etiam universam cogitandi rationem, quâ triplicis generis ideas Cartesiani distinguunt, *innatas* scilicet, quae menti nostrae ab ortu divinitus imprimuntur, *adventitias*, quae occasione motuum in corporeis organis factorum a Deo in Animâ creantur, & *factitias*, quae per voluntatis actionem in intellectu merè passivo ex ideis antea habitis componuntur, omninò rejiciendam esse existimamus.

IV. Si quid itaque ab intellectuâ potentiâ distinctum nomine *ideae innatae* intelligatur, nos Petri Gasendi, & Joannis Lockii sententiae adstipulantes, nullas prorsus innatas ideas esse statuimus; sed primas, tum ideas ministerio sensuum, doctrinâ, institutione, tum alias, ex Animae ad se, suosque actus reflexione, ac tandem ex hujusmodi idearum comparatione, & discussione caeteras omnes Animam sibi ipsam comparare.

- V. Quae sensuum opæ acquiritur, idea directa; quae per Animæ reflexionem ut plurimum voluntariam, ac determinatam nascitur, idea reflexa vocatur. Si verò mens nostra plures ideas simul conjungat, ideae compositae, seu complexae; si duas, vel plures ideas invicem conferat, ideae relativae; si a pluribus ideis particularibus aliquas etiam ideas abstrahat, universales quoque ideae proficiuntur.
- VI. Ipsa etiam Dei idea facili ratiocinio è rebus creatis deducto, & ex Parentum institutione ab Animâ acquiritur: neque illam innatam esse ratio ulla evincit, neque Sacra sive Scripturae, sive Patrum auctoritas persuadet.
- VII. Quum autem in mente nostrâ cogitationum series ita succedat, ut nos & objecta non antea cognita cognoscamus, & cognitorum facile obliviscamur; idcirco contra Cartesium asserimus, cognitionem, seu cogitationem non esse ipsam animæ essentiam, sed ab hac verè distingui, sicuti modus a re, cui inhaeret, verè distinguitur; & haec ab illo separatur: nec summam hanc perfectionem creatae mentitribuendam, esse judicamus, quae a Patribus ac Theologis uni Deo ratione Divinae simplicitatis ascribitur.
- VIII. Quamvis humana mens a suis perceptionibus distinguatur; nulla tamen ideam inter, ac perceptionem distinctio habetur. Quare in primis Peripateticum systema de idearum generi reprobamus; neque ullas *species impressas* ab externis objectis ad organa sensoria emissas, quae per sensorios nervos ad cerebrum deferantur, & in phantasiâ pingantur, neque ullas intellectuiles *species expressas* seu ideam a perceptione distinctas, quas è specie sensibili, ac materiali intellectus educat, praevias ad primam cognitionem eliciendam necessarias esse censemus.
- IX. Sed externa sensibilia objecta vel per se, vel per immixta corpuscula motum sensibus imprimunt, qui vel per fibrillarum tremorem, & reflexus, vel per animalium spirituum excursionem, ut Boerhaavius; alii-que sentiunt Recentiores, ad cerebrum usque propagatur: deinde juxta hunc motum pro Mechanicarum objecti affectionum, & sensuum externorum diversitate diversum, ad cerebrum delatum, Anima ideam externi objecti producit: ex quo fit, ut ad perceptionem obtinendam, praeter motum in externo sensorio factum, & motus in cerebro, & modificatio in Animâ tantummodò requirantur.
- X. Si verò tum impressae, tum expressae species cognoscendum superfluae sunt, ne ad reminiscendum quidem ullae sunt admittendae: quare communis apud veteres illa memoriae definitio, *Memoriam scilicet esse facultatem retinendi, & conservandi species, seu ideas, easque iterum excitandi*, falsa omnino habenda est.
- XI. At sicuti occasione motus in cerebro facti, Anima ideas primò producit, ita per renovationem ejusdem in cerebro motus earundem idearum reproductio intelligitur; & memoria physicè a Recentioribus explicatur.
- XII. Haec in cerebro motus renovatio, absente etiam objecto, cujus recordamur, & fieri, & occasionem Animae praebere potest, cur de eo

❧ (V) ❧

dem objecto easdem ideas reproducat, simulque sentiat, utrùm objectum extrinsecè adsit, nec ne. Anima pro vario cerebri motu cognoscit, utrùm sensatio ab interno tantùm, an ab externo organo proveniat, atque hinc infert, utrùm objectum sit praefens, nec ne.

XIII. Sed tamen, ut reflexione quãdam agnoscat Anima, aliàs a se eandem ideam fuisse productam, non inficiamur, eidem Animæ necessariam esse quamdam suorum actuum experimentalem conscientiam, quae in omnium sententiã sanè admittenda est.

XIV. Facilis etiam nobis ratio conitat, cur diversae in pluribus hominibus, atque in iisæm pro diversâ eorundem ætate variae reminiscendi facultates apparent, ac sint: quin immò plures ejusdem reminiscentiæ vices, quae saepe nobis contingere solent, optimè explicantur.

XV. Neque ad nostras cognitiones quidquam confert distinctio ideam inter, ac perceptionem a P. Nicolao Malebranchio inventa, quarum prima, nempe idea, in ipso Deo, altera verò, perceptio scilicet, in mente nostrâ, seu mentis affectio sit. Contra hanc igitur opinionem statuiamus, a nobis nec Deum in se ipso, neque ulla alia objecti cognosci per ideam ipsius Dei archetypam, quâ mens immediatè illustrata merè passivè percipiat.

XVI. Ut ad causam idearum productivam fusiùs inquirendam, ac declarandam veniamus; primò quodnam sit cognitionum principium; secundò quànã a corpore dependentiã haec efficiens causa ideas producat, tertio quonam modo ex Animæ modificationibus aliqui in Corpore sequantur motus: atque adeò quænã sit Méntis cum Corpore conjunctio, ac nexus, hoc loco examinare nimè congruum esse videtur.

XVII. Ad explicandum hoc Animam inter, & Corpus commercium, tres potissimae Philosophorum sententiæ proponuntur. Prima est Occasionalistarum opinio, qui in duas classès, in Rigos nimirum, & in Molles Occasionalistas dividuntur; quorum primi docent, res quascumque creatas sive corporeas, sive spirituales, nullam habere vim quidquam agendi, sed esse causas dumtaxat occasionales, cur Deus, tamquàm unica efficiens causa omnes tum in Animâ modificationes, tum in Corpore motus efficiat. Atque hi quidem adeò longè a veritate aberrant, ut omnem quoque activam voluntati humanæ vim negantes, & ad Materialismum accedant, & in errorem apertè contra fidem inciderint.

XVIII. Ex Mollibus verò Occasionalistis alii, ut Malebranchius, cui tamen maxima est inconstantia doctrinae, & Cartesius, Le-Grand, Purchotius, solam in Animâ vim suas sibi cudendi volitiones agnoscunt; alii autem, quos Gabriel Daniel impugnat, Animæ Corpori unitæ vim illud movendi tantummodò negant; ac propterea ex occasione modificationum Animæ omnes Corporis motus a Deo fieri, & ex occasione motuum corporeorum Animam suas sibi modificationes vel excitare, vel producere volunt. Atque hi quamvis contrâ Theologicas rationes nihil evidenter omnino absurdum fortassè ponant; minùs tamen probabile systema in medium proferunt, minùsque verosimile unionem Corpus inter & animam constituent, atque idcirco audiendi minime sunt.

XIX. Altera est Harmonistarum hypothesiſ, qui putant, Animam, & Corpus humanum eſſe duo Automata, alterum ſpirituale, materiale alterum; horum numerum in utroque genere poſſibilium eſſe infinitum; Deum ab aeterno praevidere, quanam ſeries operationum in ſingulis futura ſit, & quanam ſeries propria unius alteri ſeries ab altero automate evolvendae harmonicè reſpondeat; atque hinc Deum praestabile, ut haec diverſi generis automata praeviſa harmonicè operatura ſimul coeſiſtant: in hoc harmoniae praestabilitae ſyſtemate unionem, & commercium Animae cum Corpore conſiſtere docent.

XX. Praeterea in hac hypotheſi, cujus ſuit, ſin minus auctor, primus ſaltem acerrimus propugnator Gottofridus Guillelmus Leibnitius, Anima humana eſt ſpeculum, quod Univerſum orbem repraeſentat, ejus ideae, ac perceptiones clarae, vel obſcurae, diſtinctae, vel confuſae ſunt pro diverſa relatione, & connexione, quam unaquaeque Anima cum Univerſo habet. Totum igitur hoc harmonicum ſyſtema, utpoſtè arbitrium, implexum, & rationi tum Divinae, tum naturali minimè conſentaneum abſolutè reiiciendum eſt.

XXI. Tertium deniquè locum Influxionistarum ſententia teneat, quae duplex eſt; alia ſcilicet a Peripateticis propoſita, quae mutuam inter Animam & Corpus influentiam admittit; alia verò a Patre Tournemine excogitata, quae nempe non mutuam influentiam, ſed ſolùm Animae in corpus actionem conſtituit: poſtremam hanc hypotheſim caeteris probabiliorẽ, adeòque præferendam eſſe exiſtimamus.

XXII. Antequàm Tourneminianum ſyſtema proponatur, duas propoſitiones praemittimus. Prima contra Occaſionalitatem, & Harmoniſtas propoſitio ſit: Sive ſpiritus eſſentia, ſive motus natura ſpectetur, actio Animae in Corpus nullo modo repugnat.

XXIII. Sit ſecunda contra Peripateticos propoſitio: Sive Corporis eſſentia, ſive modus, quo corpora naturaliter agere conſtat, conſideretur, actio Corporis in Animam repugnare videtur.

XXIV. Quum igitur ex una parte pro diverſis Animae modificationibus diverſi in Corpore ſequantur motus; ex alià parte, ſi effectus ab immediatà ſecundà cauſà repeti poſſunt, Phyſico homini non liceat ad Deum tanquàm unicam horum effectuum cauſam, vel ad divinam legem conſugere; non omnem phyſicum influxum reiiciendum eſſe facile patet. Quare, negato tantum phyſico in Animam Corporis influxu, ſolam Animae in Corpus actionem, juxta ſententiam a P. Tournemine à Soc. Jeſu in actis Trevoltianis expoſitam ad annum 1703., ſtatuendam eſſe affirmamus.

XXV. In hoc Tourneminiano ſyſtemate, quamdiù Anima, tanquàm forma, Corpore unitur, tamdiù ad organicae corporeae machinae conſervationem ita perpetuò incumbit, ut immediatè quidem in ſpiritus animales, mediatè verò in omnia corporis membra, quae ſenſitiva dicuntur, agat, eaque vivificet, ac moveat: in quo ſocietas, & unio Animae cum Corpore conſiſtit.

XXVI. Motus itaque corporei, ſive neceſſarii, ſive liberi ſint, ab actione Ani-

- Animæ in spiritus animales procedunt, qui deinde per nervos potissimum, perque fibras etiam propagantur, & mechanicâ tantum ratione sunt, ut ipsa constructio Corporis indicat.
- XXVII. Qui necessarii sunt in Corpore motus, ii ex Animâ, tanquam Corporis formâ ad illud regendum, conservandumque ordinatâ, pendent. Ex quo hæc duo sequuntur: primum scilicet, ad munus hoc formæ Corporis exequendum ita Animam esse determinatam, ut pro suo arbitrio non possit motus ad vitam necessarios impedire, neque ob machinæ structuram promovere: alterum verò, læso aliquo organo ad vitam prorsus necessario, Animam, quæ præcipuo formæ suo munere amplius fungi nequit, ex Dei lege ab eodem Corpore separari.
- XXVIII. Qui motus in corpore liberi, & ex imperio Animæ nasci dicuntur, ii ab eadem Animâ ope spirituum animalium liberè producuntur: qui tamen vel propter eorundem spirituum ineptitudinem, vel propter alia extrinseca impedimenta, nunquam verò ob defectum potentiae in Animâ, vel ob resistantiam, quam Animæ a Corpore immediatè patitur, non semper ex voto ejusdem Animæ succedunt.
- XXIX. Quum autem corpoream machinam externa sensibilia objecta diversimodè afficiant, ac mutant; ita hi motus in externis organis excitati, & ad cerebrum usque delati assiduam quoque actionem Animæ in Corpus necessariò mutant, quâ mutatione sic Anima sentit, ac distinguit, ut ipsa sensatio sit & Animæ modificatio, & directâ materialis objecti perceptio ab eadem Animâ producta.
- XXX. Si verò hujusmodi impressiones ab extrinseco factæ eidem Animæ actioni sive liberae, sive necessariae sensibilibiter congruant, Anima facilitatem in agendo, ac propterea delectationem experitur; sin minus congruant, difficultate, atque adeò etiam moerore afficitur; quæ naturales passiones tum pro variâ facilitate, aut difficultate in operando varios obtinent gradus, tum ex Animæ reflexione subinde crescunt, mitigantur, variantur.
- XXXI. Ex quibus omnibus deducitur; Animam non esse per totum humanum Corpus virtualiter extensam, ut veteres Philosophi quamplures contendebant; sed ejus quasi sedem in cerebro locatam esse, quo nervi, ac fibrae pertingunt, undè per animalium spirituum immisionem reliquis corporeis membris motum sive necessarium, sive liberum communicare, & ubi impressiones in externa organa factas, ac per motum eorundem spirituum, aut per fibrillarum, nervorumque tremorem eò delatas cognoscere potest.
- XXXII. Ad Tourneminiânum hoc Systema tuendum necesse tamen non est, unamquamque Animam a Deo talem creari, ut nonnisi determinato Corpore possit convivere: quare hac unâ in re a sui auctoris opinione recedimus; & quamlibet Animam ad Corpus quodlibet humanum indifferentem esse, ejusdenique ordinationem, ac determinationem ex divinâ extrinsecâ dispensatione provenire judicamus.
- XXXIII. Tandem ex sententiis huc usque expostitis concludimus; neque

Deum unicam esse immediatam idearum causam, neque humanum Corpus ad illas producendas efficere, ut concurrere, sed ipsam Animae vim esse causam sufficientem, quae sibi ideas a se distinctas efformet.

XXXIV. Alter humanae mentis actus, quo ideas affirmando conjungimus, vel negando sejungimus, Judicium dicitur, quod propterea, duas saltem ideas invicem comparat, earundemque convenientiam, aut inconvenientiam percipit, & in hac relationis perceptione assensum, aut dissensum praebet. Hoc autem judicium a Cartesianis voluntati, non intellectui, tanquam activae causae peperam tribui, ex eo satis aperte constat, quod intellectus ex naturâ suâ ad verum, per sua potissimum judicia feratur, & voluntas per actus prosecutivos ad bonum assequendum incumbat.

XXXV. Veritas, quae relationem quamdam, & objecti similitudinem praefert, tum in judiciis, tum in ideis reidere potest; non tamen utrisque potest Falsitas convenire: simplices enim ideae menti dumtaxat objectum repraesentant, quin illi tribuant, aut ullum ab illo detrahant attributum, quod modum attribuere, aut detrahere judicium solent. Hinc formalis judiciorum, seu propositionum, per quae s judicia verbis effertur, Veritas in mutuâ ipsorum cum objecto convenientiâ, & Falsitas in eadem ab objecto dissimilitudine consistit.

XXXVI. Quum verò experientia ipsa res deceat, plures esse propositiones, quarum Veritas tantâ modo experientiam nostram perstringit, ut eam vel inviti cogamur intui, dummodo ideae, ac termini rite percipiantur; ita nos contra Vitellios, & Antiochique Pyrrhonicos, qui non ex animo quidem, sed oretenus nullam veritatem, ac certitudinem a nobis acquiri posse contendunt, universalem dubitationem jactant, disputare vanum, & inutile arbitramur. Satius igitur erit criterium, seu regulam tradere, ad quam propositiones, nostraeque judicia revocemus, ut quae certò vera sunt, a falsis discernere, ipsamque obtentam veritatem certò cognoscere possimus.

XXXVII. Praeter Dei summi Sapientis, & Veracis revelationem, quae, si nobis rite proponatur, omnium infallibilissima verum a falso secerndi regula habenda est, primum generale, & infallibile veritatis Criterium in summâ idearum perspicuitate, & evidentia ita positum est, ut quicquid in ideâ rei clarâ, ac distinctâ continetur, illud affirmari de eadem re certissimè possit. Mens enim nostra ab immediatâ hujus evidentiae luce adeò irradiatur, ut firmum, ac necessarium praestet assensum, & ex ipsâ, tanquam ex primo cognitionum principio, caetera demonstrari, ac notâ esse percipiat.

XXXVIII. Quod si veritas evidentia immediatâ non innotescat, nil tamen de certâ ejusdem acquisitione, deque mediatâ saltem evidentia desperandum est; sed ad ratiocinium, in quo, quae per se notae non sunt, per alias propositiones cognoscuntur, nobis esse confugiendum. Verum ut rectè ratiocinemur, unicam hanc regulam ab Arnaldo traditam servare satis erit: si conclusio, nimirum, in alterutâ praemissarum evidentèr comprehendatur, rectum semper fore ratiocinium, in quâcumque figurâ illud sit.

XXXIX.

XXXIX. Sed quum rectum hujusmodi ratiocinium varios certitudinis gradus possit obtinere, definiendum est, ad quosnam gradus in unoquoque devenire possimus. 1. Si probabilitatis limites praemissae non excedant; pro variâ earundem probabilitate magis, minùve probabilis & conclusio deducitur, & ratiocinium efformatur. 2. Si vera, sed minimè evidens utraque sit praemissa; & veritatem conclusio, & rectitudinem ratiocinium, sed neutrum evidentiam attingit. 3. Si conclusionem in praemissis contineri evidenter ostendatur; rectum sanè ratiocinium esse evidenter constabit, sed ob evidentiae defectum in utraque praemissâ, conclusio pari evidentia non gaudebit. 4. Si denique conclusionem in evidenti propositione comprehendi evidens fuerit; quò evidentiores erunt praemissae, eò majorem evidentiam conclusio, evidentiorisque demonstrationem ratiocinium consequetur.

XL. Ex quibus alterum hoc infallibile acquirendae veritatis criterium facile descendit: datâ scilicet aliquâ veritate per ϕ . ac metaphysicè evidenti, ità per ratiocinium veritas obtineri potest, ut maximâ cum evidentia eadem acquisita veritas nobis pateat.

XLI. Quamquam neque nostrorum, neque aliorum corporum existentia nobis metaphysicè cum evidentia constet; nos tamen contra Idealistas asserimus; quum ex vividissimis, constantibus, & intimis animi affectionibus ad existentiam corporum judicandam vehementissimè rapiamur, quin ulla post diligentem inquisitionem ratio opposita occurrat, tantam hac super re certitudinem oriri, ut praescindendo etiam a Fide divinâ, firmum assensum absque prudenti ulla errandi formidine praestemus huic cognitioni: *Corpora existunt*.

XLII. Ut sensuum criterium statuamus, quantum eorundem testimonio fidendum sit, examinemus. Atque in primis, quum ex unâ parte sensui externo formalis error convenire nequeat, ex aliâ vero cujuscumque determinatae renunciationis causa necessaria sit, quae in certis circumstantiis, non nisi certam renunciationem, attentis naturae legibus, determinare debeat; ita quaelibet sensuum renunciatio per se objecto suo conformis est, adedque sensus formaliter nunquam fallitur.

XLIII. Quamvis igitur oculus potissimum in renunciandis corporum proprietatibus, magnitudine nimirum, situ, motu, quiete, numero, ac figurâ objectorum aliquando falli videatur, & fallaces etiam aliorum, sensuum renunciations interdum appareant; ratio tamen, cur in iis circumstantiis talem iidem sensus renunciationem necessario praebeant, ita semper adest, ut, si aliam renunciationem darent, fallaces tunc potiori jure dicendi essent: quae quidem ratio, etsi ad hanc Philosophiae partem non spectet, nihilominus, ne difficultatem effugere videamur, variis sensuum renunciationsibus, quae objiciantur, accommodata, facile a nobis assignabitur.

XLIV. Verùm etiamsi quaelibet sensuum renunciatio per se objecto suo conformis sit, ex ipsâ tamen intellectus occasionem errandi aliquando capit; quum scilicet non in datâ solum circumstantiâ, sed in communibus etiam circumstantiis corpus excitandae hujusmodi sensationi aptum esse temerè judicat.

- XLV.** Ut autem dependenter a sensibus absque ullo errandi periculo judicemus, objectum tale in communibus circumstantiis esse, quale nunc exhibetur, tres praeviae conditiones requiruntur: prima est, ut praesens unius sensus renunciatio praeteritis ejusdem sensus renunciacionibus conformis sit; altera est, ut eadem renunciatio cum aliorum sensuum renunciacionibus conveniat, modo idem objectum reliqui sensus proportionaliter possint renunciare: tertia denique est, ut renunciatio ex circumstantiarum disquisitione rationi consentanea inveniatur, ac sit. Quibus rite servatis, Criterium sensuum ejusmodi est, ut rem ita esse tantâ cum certitudine affirmari possit, quae prudentem omnem de oppposito formidinem removeat.
- XLVI.** Ad veritatem inquirendam, faciliusque Philosopho comparandam methodi inprimis ratio habenda est. Generales methodi. leges tres potissimae statuuntur: prima est, ut a simplicioribus ad magis composita; altera, ut a notioribus ad minus nota; tertia, ut a facilioribus ad difficiliora progressio fiat.
- XLVII.** Hae leges duplici, Analyticâ nempe, seu Resolutionis, & Synthetica, seu Compositionis methodo servari possunt. Analytica ea vulgò dicitur, quâ ex datis effectibus eorundem causas perquirimus, & è factis particularibus ad generalia principia ascendimus; Synthetica vero est, quâ ex datis causis ipsarum effectus investigamus, & a generalibus principiis ad particularia facta devenimus.
- XLVIII.** Quum nobis effectus magis, quàm causae, innotescere soleant, Analyticâ prius methodo uti praestat, ut ex notis effectibus causarum existentiam, ac naturam tutius assequamur; quibus deinde cognitis causis, per Synthetis effectus alios minus notos commodius deducere possimus. Neque improbandos tamen existimamus, qui in tradendis artibus, ac disciplinis methodum Syntheticam adhibent, quia scilicet res, causas, & veritates non primò inquireunt, sed eas jam inventas exponunt; atque ita aliquando, quum a simplicioribus, generalibus, & per se notis, ut ab exactis nimirum definitionibus, axiomatibus, & si opus fuerit, quibusdam postulatis initium desumere possunt, auditorum captui sese magis accommodabunt; cujus methodi praeclarum nobis exemplum suppeditat Geometria.
- XLIX.** Tres etiam notissimae philosophandi regulae a Newtono traditae ad veritatis inquirendae methodum optimè referuntur: quarum prima est; Causae rerum naturalium non plures admittendae sunt, quàm quae sunt verae, earumque phaenomenis explicandis sufficientes: altera est; Effectuum naturalium ejusdem generis eadem causae assignandae sunt, si (ut Cl. P. Rogerius-Josephus Boscovich rectè monet) ratio nulla in contrarium sit, quae plures diversas causas exposcat: tertia denique est; Qualitates corporum, quae intendi, & remitti nequeunt, & quae in omnibus, in quibus experimenta instituere licet, corporibus observantur, pro universalibus corporum qualitatibus habendae sunt.
- L.** Ad vagarum hypothesium Cartesianis maximè familiarem abusum, eorumque Syntheticam philosophandi methodum rejiciendam haec duo adjuv.

❁ (XI.) ❁

adjungere, seu declarare volumus. Primum est: Nihil esse sine ratione sufficiente, cur potius sit, quàm non sit, & cur ita potius, quàm aliter existat; quod Leibnitii principium, si ad effectus tantummodò materiales, nec liberos restringatur, verissimum est, & pro dato quovis effectu sufficientis alicujus causae necessitatem affirmat; si verò ad actiones causae etiam liberae; cui sufficiens ratio unicum voluntatis arbitrium esse debet, extendatur, tunc libertatem omnem tum divinam, tum humanam evertere faciliè intelligitur. Alterum propositae Analyticae methodo consentaneum est: In experimentalì philosophià propositiones ex phaenomenis per inductionem deductas, non obstantibus contrariis hypothesibus, tanquàm accuratè, aut quàm proximè veras esse habendas, donec alia occurrant phaenomena, per quae aut accuratiores, aut exceptionibus obnoxiae fiant.

E X P H Y S I C A.

- LI.** **P**hyfica est rerum naturalium, ac praecipuè corporearum scientia: In hoc enim tota versatur, ut spatium totius Universi, omniaque in eo disseminata corpora, eorumque naturam, attributa, proprietates, actiones, passiones, situm, ordinem, vires, effectus, horumque modos, magnitudines, causas inquirat. Ad quorum indagationem plurimùm sanè conferunt experimenta, observationes, & Mathesis.
- LII.** Corporis natura in quonam specifico attributo consistat, non ita faciliè definiri posse censuius, quum sensuum renunciaciones, per quas unicè nonnullas corporum proprietates agnoscimus, nonnisi eorum superspiciem exhibeant. Illud tamen certò affirmamus, Cartesium, dum in trinà geometricà dimensione corporis naturam constituit, eam cum spatii notione perperam confundere.
- LIII.** Hoc autem extensum spatium & mente concipi, & haberi posse omni corpore vacuum, & saltem imaginarium indefinitum existere dicendum est: quin etiam Universo in hoc orbe praefertim disseminatum actu vacuum dari convincitur ex eo, quod, vacuo non admissò, tum p̄gressivus corporum motus, tum specifica eorundem gravitas, tum vari fluidorum resistentia vel nullo modo, vel aegrè admodum, & arbitrariò solum explicari possunt.
- LIV.** Corpus verò cum dicimus, extensam substantiam, impenetrabilem, mobilem, inertem, sensibilem, & viribus attractivis, ac repulsivis praeditam intelligimus, è quarum actionibus naturalia omnia phaenomena pendunt, in quorum cognitionem naturalis scientia potissimùm incumbit.
- LV.** Extensio alia est continua, discreta alia. Continua extensio ex inextentis

tenſis exſurgere numquam poteſt. Hinc ſi prima materiae elementa omnino inextenſa, atque indiviſibilia admittantur, tunc nonniſi interjacente ſpatio, ubi vires attractivae, ac repulſivae, juxta Theoriam Cl. P. Rogerii-Joſephi Boſcovich S. J., a materiae punctis exercean- tur, continua haec extenſio reſultabit, quae continua utique ſpatii, diſcreta vero corporis extenſio vocabitur.

LVI. In quacumque tum ſucceſſivâ, tum coëxiſtente, continuâ extenſione limites diviſibilitatis nulli ſtatui poſſunt: ſed magnitudinem partium ſemper decreſcere, earumque numerum ſemper augeri ita poſſe concipitur, ut nulla ſit in continuâ extenſione minima pars, quâ minor adhuc altera intelligi non poſſit, nullus etiam ſit finitus numerus, ultra quem progreſſio fieri nequeat. Pro quâ diviſibilitate demonſtrationes a Geometris inſtitutas ad diviſibilitatem extenſae quantitatis oſtendendam tenere merito propugnamus.

LVII. Quamvis materiae naturae viribus in infinitum ſeparari poſſe non conſtet; partium tamen numerus, in quas ſive artis ope, ſive naturae vi corpus quodlibet reſolvi poteſt, & è quibus componitur, omnem imaginationis noſtrae vim longè ſuperat: eaeque artiſcioſae diviſibilitas ex metallorum, ac praefertim auri ductilitate; naturalis vero tum ex corporum diſſolutione, & attritu rerum, quibus perpetuò utimur, tum ex microſcopicis obſervationibus a Lewenochio peractis optimè deducitur.

LVIII. Quum omnia per motum natura operetur, Mobilitas eſt communis ea corporum proprietas, circa quam praecipua naturae contemplatio verſatur. Motus eſt translatio de loco in locum. Hinc motus abſolutus in continuâ ac ſucceſſivâ mobilis translatione de unâ in aliam immobilis ſpatii partem conſiſtit, ejusque celeritas ſecundum ſpatium abſolutum menſuratur: motus autem relativus eſt loci mutatio reſpectu alterius corporis, in cujus viciniâ corpus exiſtit, ejusque celeritas ſecundum ſpatium relativum commenſuratur.

LIX. Vis motrix eſt potentia agentis ad motum producendum: eaque, vel unico phyſico-inſtanti in mobile agit; & ejus actione motus aequabilis oritur; vel indefinenter corpus ad motum ſollicitat; & ex ejus actione motus variabilis, & acceleratus exſurgit. Si ejusdem vis actio in corpus exercita ad huius ſtatum mutandum conſideretur, ea vis impreſſa dicitur.

LX. Motus aequabilis ſit, quando eadem ſemper velocitate omnes percurſi ſpatii partes a mobili conſciuntur. Hinc tres motus affectiones deſcendunt, Velocitas, Quantitas, & Directio. Velocitas eſt affectio, quâ mobile dato tempore datum percurrit ſpatium, eaque ſpatio per tempus diviſo aequatur: ſpatium aequatur producto velocitatis in tempus: tempus aequatur ſpatio per velocitatem diviſo. Quare in comparandis mobilium velocitatibus, 1. ſi aequali tempore ſpatium inaequale deſcribatur, velocitates erunt in ratione ſpatorum directâ. 2. ſi aequale ſit ſpatium inaequali tempore peragratum, velocitates erunt in ratione temporum inverſâ: 3. ſi tum ſpatium, tum tempus inaequalia ſint.

fuerint, velocitates erunt in ratione compositâ ex spatiorum directâ, & temporum inversâ.

LXI. Si mobilis massâ in velocitatem ducatur, momentum, seu motus Quantitas prodabit, quae proinde si per massam dividatur, velocitatem dabit; si vero per velocitatem, mobilis massam exhibebit. Quare in comparatis quoviscumque corporum motibus: 1. si eadem sit motus quantitas, velocitates erunt ut massae reciprocae: 2. si massae fuerint aequales, momenta erunt ut velocitates directae: 3. si velocitas eadem sit, momenta erunt directe ut massae: adeoque momentorum ratio componitur ex directis rationibus massae, & velocitatum.

LXII. Directio motus est recta linea, quae a mobilis centro ad eam plagam ducta concipitur, ad quam mobile tendit. Ex unicâ vi motrice nonnisi motus simplex, & simplex directio habetur. Ex duabus autem, vel pluribus viribus in diversas partes agentibus unicus, sed compositus motus, unicaque sed composita directio resultat.

LXIII. Quum quodlibet corpus ex Inertiâ materiae ad statum quemlibet indifferens omnino sit, tres motus leges a Keplero primò cognitae, & a Newtono statutas nos modò deducimus, ac propugnamus. 1. Ea est corporum natura, ac vis, ut in statu semel accepto sive quietis, sive motus uniformiter, & in directum perseverent, nisi ab externis viribus statum illum sive quietis, sive motus mutare cogantur. 2. Mutatio motus vi motrici impressae semper proportionalis est, sitque secundum directionem, quâ vis illa imprimitur. 3. Actioni contraria semper, & aequalis est reactio.

LXIV. Ex hac tertiâ motus lege velocitates corporum tam directae, quàm obliquè inter se congregantium, eorumque motuum mutationes, sive ea corpora mollia, sive dura, sive elastica fuerint, facillè determinamus.

LXV. Si enim ex corporibus non elasticis, 1. Alterutrum directè in alterum quiescens, aut lentius ad eandem partem incedens, impingat; illius velocitatis excessus vel bifariam, si massae sint aequales, vel, si inaequales, ita dividitur, ut motus sit in ratione massarum directâ, & conjunctim ad eandem plagam ambo feruntur. 2. Si ea corpora in eadem directione sibi invicem occurrant aequali massâ, ac velocitate, aut velocitatibus, quae sint massis reciprocae proportionales; quum in utroque casu vires aequales, & contrariae sint, post conflictum ambo quiescunt: at si vires sint inaequales, motus aequivaleret excessui praepollentis, & vel bifariam, vel in ratione massarum directâ partito motus excessu ad eandem partem moventur.

LXVI. In corporibus autem perfectè elasticis, & directè impingentibus eadem manebit velocitas relativa autè, & post conflictum, eademque celeritate a se mutuò postictum corpora recedent, quâ priùs ad se invicem accedebant. Hinc 1. Si ex duobus aequalibus corporibus alterutrum quiescat; hoc post impactum totâ velocitate, ac directione impelleatis movebitur, & impellens quiescet. 2. Si ad eandem partem inaequali velocitate ferebantur; post impulsum ad eandem quoque partem velocita-

tibus permutatis, procedent. 3 Si è contrariis partibus sibi invicem occurrerant; post congressum ad contrarias partes recedent vel aequalibus, ut antea, velocitatibus, vel permutatis. Quod si corpora sint inaequalis massae, velocitas ab elastio producta semper de more duplicat effectum, & in ratione massarum inversâ distribuitur.

LXVII. In obliquâ aequalium corporum collisione, 1. quae non elastica sunt, vires ac directiones parallelas easdem retinent, contrarias tamen aequales amittunt, aut solum vis alterius excessum bipartitur: 2. quae verò sunt perfectè elastica, servatis velocitatibus directis, ac parallelis, oppositas velocitates permutant.

LXVIII. In corporibus tandem imperfectè elasticis, quoniam non eadem sese velocitate partes compressæ restituunt, effectus ab elastio, seu partium restitutione non duplicantur, sed in eâ tantum ratione, augentur, quam compressionis velocitas ad velocitatem restitutionis habet.

LXIX. In obliquis corporum collisionibus necessaria omnino est virium, ac motuum compositio, & resolutio. Si corpus a duabus simul viribus in eadem ratione agentibus sub angulo aliquo urgeatur, diagonalem parallelogrammi, cujus duo latera vires ac directiones exponent, eodem tempore describit, quo viribus seorsim agentibus latera seorsim percurrisset. Et a quocumque viribus sub quovs angulo corpus impellatur, unica semper media directio, & velocitas ex omnibus composita orietur, quae in quocumque laterales resolvi poterit. Hinc 1. unicam vim duabus, vel pluribus, & è contrario, duas vel plures unicae vi subrogare possumus: 2. in resolutione vires, & motus crescunt; in compositione decrescunt; & compositio, ac resolutio eandem inter se rationem servant, quam diagonalis habet ad duo latera parallelogrammi: 3. quò magis vires inter se conspirant, & sub angulo minori corpus urget, eò major est mobilis velocitas per diagonalem expressa, minorque motus iactura; & contrà quò minus inter se vires conspirant, & sub majori angulo in corpus agunt, eò minor est mobilis velocitas, majorque iactura motus.

LXX. Ad conflictuum leges motus reflexus pertinent, cujus causa est Elasticitas. Corpus perfectè elasticum perpendiculariter in planum incidens eadem, quâ impexit, velocitate, ac directione refligitur: obliquè verò impingens angulo incidentiae angulum reflexionis acquabit.

LXXI. Motus deniquè refractio fit vel per recessum a perpendiculari, vel per accessum ad perpendicularum pro velocitatis incremento, vel decremento, quod in refractione perpendiculariter fit. Refractionis causa est maior, vel minor novi medii, in quod corpus obliquè transit, resistentia, vel actio. Hinc in transitu corporis ex uno in alterum novum medium motus aut accelerando, aut retardando variari solent.

LXXII. Motus variabilis potissima causa est Gravitatis, quâ corpora indefinenter ad motum sollicitantur. Gravitatis vi corpora omnia ad punctum

Aut aliquod tanquam suum centrum, & omnia sublunaria, in quibus experimenta licet instituire, in Terram urgeri adeo manifestum est, ut gravitas pro universali corporum qualitate merito habenda sit.

LXXIII. Quare ex communi hac corporum proprietate neque aer, neque vapores, neque exhalationes, neque ignis eximendi sunt. Aeris enim gravitas tum ex Galilaei, & Hombergii tentaminibus, tum ex Mercurii suspensione in tubis Torricellianis ita aperte constat, ut non nisi per jocum idem Evangelista Torricellius in duabus suis dissertationibus de levitate inscriptis universalis positivae levitatis systema proposuisse credatur. Vapores autem, & exhalationes verè gravitate tum ex eo, quod aëri innatent, tum ex eo, quod in corporibus, è quibus prodeunt, ponderis imminutio deprehendatur, facile evincitur. Tandem ignis gravitatem, siquidem ille omni heterogeneorum particularum admixtione purgatus ad lances exigi nullo modo potest, ex analogiâ tantummodo deducimus.

LXXIV. Gravitas cum Newtono triplici modo considerari potest: 1. veluti vis in gravium centro residens, undè per rectas undique in sphaeram propagatur, & corpora a centro dilata assidue centrum versùs trahit; haec est vis absoluta, quae efficaciae causae, seu massae corporis eandem vim diffundentis absolute respondet: 2. tanquam vis in quâlibet a centro distantia agens, quae acceleratrix vocatur, & exprimitur per relationem, quam ejus celeritas habet ad tempus, quo gignitur: 3. quasi vis corporibus ad centrum impulsis communicata, eaque vis motrix, seu pondus corporum dicitur, & est in ratione tum inversâ pororum, tum directâ massarum, seu massae proportionalis.

LXXV. Ut modum, quo vis gravitatis acceleratrix pro variis a centro distantis agit, cognoscamus, eam 1. in diversis terrestribus superficiei locis, 2. in diversis a superficie Terrae altitudinibus, 3. in diversis infrâ Terrae superficiem ab ejusdem centro distantis examinamus.

LXXVI. Gravitate acceleratricem pro diversis latitudinis terrestribus regionibus diversam esse, & a polis ad aequatorem decrescere è variis pendulorum oscillationibus primùm a Richero, deindè ab aliis quampluribus accuratissimè compertum fuit. Quum enim in pendulorum motu & ab ipsorum longitudine, & a vi acceleratrice res ita pendeat, ut datâ aequali pendulorum longitudine, tempora oscillationum sint in ratione subduplicatâ virium, & vires inversè ut temporum quadrata, seu directè ut quadrata numerorum oscillationum eodem tempore peractarum; dato autem aequali tempore, vires sint directè ut pendulorum longitudines; idcirco differentia tum numeri oscillationum, tum longitudinis pendulorum, praesertim aëris temperie ad eundem gradum redactâ, gravitatem constanter ab aequatore ad polos crescentem, & contra a polis ad aequatorem decrescientem exhibuit.

LXXVII. In diversis verò a superficie Terrae altitudinibus vis gravitatis acceleratrix decrescit in ratione duplicatâ distantiarum ab ejusdem Terrae centro reciproca. Constat enim, spatium, seu rectam, per quam

Luna vi gravitatis a tangente ad arcum uno primo temporis minuto deprimitur, esse ad spatium pedum Paris. 15. 1., quod, juxta Hugonii observationes, corpora in viciniis Terrae cadendo uno secundo temporis minuto percurrunt, ut 15. 1: 54360. adeoque etiam esse ut unius terrestris semidiametri quadratum ad quadratum distantiae Lunae a Terriâ.

LXXXVIII. Hinc tres gravitatis leges a Newtono deducuntur: 1. corporum pondera, seu gravitates, quorum massae sint inaequales in distantii a Telluris centro aequalibus esse in ratione massarum directâ: 2. corporum gravitates, quorum massae sint aequales, in distantii a Telluris centro inaequalibus esse in ratione inversâ distantiarum duplicatâ: 3. corporum gravitates, quorum massae, & distantiae a centro sint inaequales, esse in ratione compositâ ex directâ massarum, & inversâ duplicatâ distantiarum.

LXXXIX. In modicis tamen a Terrae superficie distantii vis gravitatis acceleratrix tum cum Galilaeo tanquam uniformis haberi potest. Gravium igitur ubicumque liberè decidentium motus, nullâ habita ratione medii resistentis, ita acceleratur, ut percurta spatia progressio em numerorum imparium 1. 3. 5. 7. &c. accuratè sequatur. Hic tamen erunt: 1. gravia per velocitatem pulatim acquisitam dimidium spatii ejus conficere, quod eodem tempore motu a quapiam confecerint, si velocitatem, quâ in fine gaudent, totam ab initio motûs obtinissent. 2. velocitates crescere ut tempora: 3. spatia ab initio lapsûs peragrata esse in ratione temporum, item velocitatum duplicatâ.

LXXX. Gravium ascensus oppositis omnino legibus fit, ac descensus peragatur. Vis enim gravitatis contra motûs inpressi directionem perpendicularè, & uniformiter agens aequalibus temporibus aequaliter motum immittit; adeoque spatii partes singulis temporibus tum in ascensu, tum in descensu descriptae ordine retrogrado sibi respondent. Hinc liquet, grave eam in fine descensus velocitatem habere, quâ ad altitudinem, undè decidit, fursùm projectum ascenderet, sicuti in pendulorum oscillationibus contingere videmus.

LXXXI. Quemadmodum verò vis gravitatis è centro per radios undique in sphaeram ita diffunditur, ut in Telluris superficie maxima evadat; sic ipsa è contrario infra Terrae superficiem ita in ratione radiorum directâ decrescit, ut in centro tandem omninò evanescere concipiatur. Quare infra Terrae superficiem tanquam vera etiam a Newtono admittitur hypotesis Viviani, Borellii, Fermatii, De-Chales, aliorumque, qui vim gravitatis acceleratricem sequi rationem distantiarum a centro directam censuerunt.

LXXXII. Quamquam per se vis gravitatis perpendiculariter deorsum versus Terrae centrum urgeat corpora; ubi tamen vires aliae simul cum gravitate corporibus applicantur, fit, ut gravitas totum suum effectum non semper obtineat. Considerandus itaque est gravitatis effectus. 1. in rectilineo corporum per inclinata plana descensu; 2. in curvilineo motu; 3. in corporum tum solidorum, tum fluidorum aequilibrio.

LXXXIII. Si corpus per inclinatam planum descendat, motus uniformiter

ter

ter ita acceleratur, ut absoluta vis gravitatis ad respectivam sit, ut longitudo plani ad altitudinem; & sicut longitudo plani est ad ejus basim, ita absoluta vis gravitatis sit ad eam gravitatis partem, quae a plano sustentatur; & sicut respectiva vis gravitatis est ad partem a plano sustentatam, ita altitudo plani sit ad ejus basim.

LXXXIV. Velocitas autem dato tempore acquisita a gravi per inclinatum planum descendente est ad velocitatem a gravi perpendiculariter cadente eodem tempore acquisitam, ut altitudo plani ad ejus longitudinem. Tempus, quo grave perpendicularem plani altitudinem describit, est aequale tempori, quo partem inclinati plani percurrit, quae cum perpendiculari ad ipsam ductâ rectum angulum efficit. At velocitates gravium super inclinato plano, & in perpendiculo, quum gravia ex eadem altitudine ad eandem horizontalem rectam pervenerint, aequales erunt.

LXXXV. Sive perpendiculariter, sive per quaelibet inclinata plana ejusdem altitudinis grave descenderit, eodem tempore & perpendicularem, & certam planorum portionem assignandam percurrat: quum tamen ad eandem horizontalem basim pervenerit, eandem semper velocitatem habebit; sed tempora, quibus & perpendicularis, & plana diversa perecurruntur, erunt ut eadem altitudo ad diversas planorum longitudines. Quod si idem grave per plura variè inclinata plana sibi contigua decingat; quoniam curva spectari potest veluti laterum infinite exiguorum sub evanescente angulo sibi occurrentium congeries, idcirco, si plura haec plana curvam conficere, & per illam grave descendere, cum Varignonio supponatur, eandem in fine velocitatem obtinebit, ac si ex ejusdem curvae altitudine descendisset.

LXXXVI. Tandem quaecumque de motu gravium perpendiculariter cadentium uni omniter accelerato demonstrantur, ea quoque vera sunt de gravium in planis inclinis descensu: velocitates nimirum esse ut tempora, quibus acquiuntur: spatium ab initio motus computatum esse dimidium spatii, quod eodem tempore uniformiter percurri cum velocitate ultimo acquisita potest: spatia percursa ab initio motus computata esse in duplicatâ temporum, item velocitatum ratione: & velocitates, item tempora esse in ratione spatiorum subduplicatâ.

LXXXVII. Quotiescumque a duabus simul viribus diversae rationis sub angulo aliquo corpus sollicitatur; toties curvilineus ejusdem corporis motus habetur, cujus natura a diversâ virium singulis momentis agentium ratione pendet. In curvilineo motu vires tres distinguuntur, nempe centripeta, centrifuga, & tangentialis, quarum duae primae aequales inter se, parallelae, & contrariae, centrales dicuntur, quia ita directionem mutant, ut corpus constanter vel ad idem punctum urgeant, vel ab illo avertant: tangentialis verò est determinatio abeundi per tangentem, & simul cum vi centripetâ curvam generat: centrifuga tamen vis ex duabus illis resultat, & solum mente concipitur.

LXXXVIII. Si curva, juxta communem Geometrarum sensum, veluti polygo-

lygonum infinitorum numero laterum, & infinitè parvorum concipiat, jactura motus ex virium compositione orta, dum è subtenſa arcus ad alterum contiguum latus per tangentialem expreſſum tranſit, non eſt niſi una infinitiſſima ſecundi ordinis; dum verò è tangentiali ad curvæ arcum, vel ad ejus ſubtenſam deſcendit, non eſt niſi una infinitiſſima ordinis primi, adeoque tanquam nulla conſideratur. Quòd ſi a virium centro ad mobile corpus recta ducatur, quæ unà cum corpore circà centrum moveri intelligatur, areæ, quas ejuſmodi linea, ſeu radius vector poſt quodvis finitum tempus verrit, ſunt temporibus proportionales; & viciliſſim ſi areæ ſint temporibus proportionales, corpus circà centrum vi ad hoc tendente curvam deſcribit.

LXXXIX. Velocitates autem, quas corpus in diverſis curvæ punctis oblinebit, erunt in ratione reciproca radiorum a virium centro demiſſorum perpendiculariter ad tangentes per eadem puncta tranſeuntes. Et ſi corpus circulum deſcribat, vires centrales proportionem ſuâ quadratis velocitatum per diametrum diviſis reſpondebunt.

XC. Si grave directione quâcumque non verticali projiciatur, parabolam deſcribet. In Apolloniâ parabolâ abſciſſæ, quæ perpendicularitatem velocitatem exhibent, eandem inter ſe rationem habent, quam ſemiordinatum quadrata: & ſemiordinatæ quadratum per abſciſſam diviſum dabit parametrum: & abſciſſa in parametrum ducta exhibebit parallelogrammum æquale quadrato ſemiordinatæ.

XCI. Hujusmodi parametrum projectionis meſuram exponit, quâ datâ, in plano punctum, ad quod projectum grave pervenit, nullo negotio invenitur; & contra, cæteris datis, directio gravis debita aſſignatur: ad hæc duo problemata ars balistica ſermè tota reducit. Si corpus ex alto loco quâcumque vi horizontaliter projiciatur, motu composito ad imum punctum eodem tempore perveniet, quod ad deſcenſum ex eadem perpendiculari altitudine ſolâ gravitatis vi genitum requireretur.

XCII. Huc etiam pendulorum motus reſertur. Penduli velocitas in imo puncto eſt ut ſubtenſa arcus, quam deſcripſit. Si pendula duo ſimiles arcus percurrant, oſcillationum tempora ſunt in ratione longitudinum pendulorum ſubduplicatâ.

XCIII. Vires acceleratrices gravis per cycloidis arcum uſque ad infimum punctum deſcendentis ſunt ut ipſæ ab eodem puncto diſtantiæ. Tempus autem lapſus per cycloidis arcum uſque ad infimum punctum eſt ad tempus lapſus liberi per diametrum circuli genitoris, ut dimidia circuli peripheria ad ejuſdem diametrum.

XCIV. Ut ad gravium æquilibrium veniamus. *Statica*, quæ de horum æquilibrium agit, in *Geſtaticam*, & *Hydroſtaticam* dividitur; quarum prima corporum ſolidorum vires, altera fluidorum contemplatur: Sed quum univerſa Statica quibusdam instrumentis, ſeu machinis ad corporum æquilibrium, vel motum procurandum utatur; idcirco Statica ipſa *Machinatrix*, ſive *Mechanica* etiam vocatur.

XCV. Veſtis eſt præcipua Machina, quam Geſtatica uſurpat: ad hunc enim

enim pleraeque tum simplices, tum compositae machinae rediguntur. In vecte potentia, & ponderis resistentia crescunt in ratione distantiae a fulcro, ideoque, ut potentiam inter, & pondus aequilibrium habeatur, requiritur, ut distantia puncti in vecte, cui applicatur, sit ad ponderis distantiam, ut pondus est ad potentiae intensitatem, quae si paululum augeatur, aut magis a fulcro removeatur, pondus elevat. Hoc idem de Axe in Peritrochio, de Trochleâ, cæterisque simplicibus machinis dicendum est, ubi potentia, & resistentia debent esse, suis a fulcro distantibus reciproce proportionales.

XCVI. Machinae verò è plurius aut vectibus, aut dentatis rotis, aut trochleis compositae exigunt, ut potentia ad resistentiam sit in ratione compositâ omnium rationum, quas in singulis simplicibus illis machinis potentiae ad resistentias habent. In plano inclinato, ad quod & Cuneus, & Cochlea referri possunt, ad aequilibrium habendum potentia ad pondus esse debet ut ait tudo plani ad longitudinem; ideoque aucta paululum potentia resistentiam superabit.

XCVII. In Hydrostaticâ relativae fluidorum gravitates sequuntur compositam perpendicularis altitudinis, & basis rationem. Quare fluida homogenea in tubis communicantibus aequilibrium inter se obtinent, ubi ad eandem altitudinem fuerint constituta, sive tubi ejusdem perimetri, sive diversi fuerint, sive recti, sive aequaliter, sive inaequaliter inclinati. Ex quo patet, cur fluidi in vase quiescentis superficies plana sit, in maiori autem curva.

XCVIII. Fluida verò hère organa in tubis quoque communicantibus aequilibrium servant, si altitudines fuerint specificis eorundem gravitatibus reciproce proportionales, quaecumque sit tuborum inclinatio, ac perimetra. Atque hinc aestimare licet specificas fluidorum gravitates, ac densitates, quae erunt inversè ut altitudines, ad quas in tubis communicantibus aequilibra consistunt.

XCIX. Inferiores fluidi particulae a superioribus in eodem plano aequaliter in omnem partem premuntur. Ut fundorum pressiones aestimantur, tum vasorum bases, tum fluidorum homogeneorum altitudo attenditur. Si & vasorum bases, & fluidorum altitudines fuerint aequales, fundi aequaliter premuntur. Si bases quidem aequales, at inaequales altitudines fuerint, fundi premuntur in ratione altitudinum. Si & bases, & altitudines fuerint inaequales, fundi premuntur in compositâ basium, & altitudinum ratione. Simili modo laterales pressiones aestimare licet. Hinc generale theorema statuitur. In vasis quibuscumque fundo unum pressiones non ex fluidi quantitate, sed ex basi in altitudinem ductâ aestimandas esse, utcumque vasorum latera convergentia, vel divergentia sint.

C. Si in fluido solidum specificè minùs grave ponatur, hoc tantâ sui parte demergitur, quantum est fluidi volumen, quod toti solido aequiponderat. Si solidum ejusdem cum fluido gravitatis specificae sit, ibi manet, ubi sub fluidi superficie collocatur. Si solidum specificè gravius sit, in fundum cadit; quin ad haec omnia solidi figura quicquam conferat.

CI.

- CI. Gravitatis causam indagantes non minùs Epicurei, qui illam in atomis, quibus corpora consistunt, & ad Tellurem propellantur, quàm Gassendus, Keplerus, alique, qui eam in hamatis effluviis è Tellure, quàm Magnetis instar concipiunt, jugiter erumpentibus, & ad eandem corpora trahentibus consistere docent, a corporibus ad atomos, & ad hæc effluvia difficultatem transferunt, eamque non explicant.
- CII. Villemontius verò, Cartesius, ejusque sectatores, qui corporum descensum ad Telluris centrum a vorticofo cujusdam fluidi, seu materiae subtilis motu, quo a centro recedere conatur, provenire putant, hypothesein omninò arbitrariam, multisque absurdis obnoxiam fingunt. Quare neque a vortice Cartesiano, neque ab ullo impellente fluido, quod easdem, ac fluida nobis cognita, proprietates habeat, causam gravitatis repeti posse affirmamus.
- CIII. Hanc itaque causam in principio aliquo activo, immechanico, & intrinseco sitam esse optimè statuit Newtonus, tum quia corpora ad se se invicem sponte suâ absque ullâ activâ vi ferri nequeunt, tum quia nullas hujus mutui accessûs extrinseca mechanica causa per impulsum agens assignari potest; quod tamen nihil obstat, quominus hæc virtus extrinseca esse, & in quâdam Dei lege constitui possit. Si vis ista in attraente corpore consideretur, *Attractio*, si in corporibus ad aliud tendentibus, *Gravitas* appellatur.
- CIV. A communi circumterrestrium corporum attractione ad particularem quandam Electricorum attractionem progrediamur, quæ tum in vaporis electrici diffusionem ex uno in alterum corpus, tum aliquando etiam in mutuo corporum inaequaliter electricorum accessu patet. E corporibus omnibus, in quibus experimènta sumere licet, alia per originem, alia per communicationem electrica sunt.
- CV. Neque effluxus, & affluxus materiae electricae ex oppositis partibus relatè ad unum idemque corpus a Nolletio excogitatus ad explicanda Electricitatis phaenomena satis aptus est, neque ab unicâ aeris actione in electrica effluvia, neque a mutato ejusdem aeris æquilibrio, uti Hauskbejus, Fayus, ac Banimakarus contulerunt, eadem phaenomena repeti possunt.
- CVI. Verùm Theoriam a Cl. Beniamino Franklino in Americâ inventam, ac Taurini a Cl. P. Jo. Baptistâ Beccariâ pluribus experimentis confirmatam, de immediatis electricorum phaenomenorum legibus tanquam certam habemus. In hac Theoriâ non eadem est catenae, ac machinae Electricitatis; sed machina vaporem electricum ab extraneis corporibus accipit, catena illum transmittit; quod è Stellulae, & Cometae electrici phaenomenis præcipuè deducitur.
- CVII. Generalis, ac sufficiens electricorum inter duo, vel plura corpora signorum ratio est in uno corpore vaporis electrici defectus, & in altero ejusdem vaporis excessus. Ex hoc generali principio omnia artificiosae Electricitatis phaenomena pendent, si Physicæ Batavicae, ac Tabulae Magicae Franklinianae experimentum excipias.
- CVIII. Quare facilis ratio constat, cur 1. machinâ simul, & catenâ cum solo

solo communicantibus, nulla sint electrica signa; catenâ verò, & machinâ segregatis, alternatio signorum exhibetur; catenâ autem segregatâ, & machinâ cum solo communicante, aut viceversâ, ab alterutrâ tantum signa habeantur: 2. machinae, vel catenae pars alteri ejusdem machinae, vel catenae parti nulla dent Electricitatis indicia, quae tamen machinam inter, & catenam, & corpora extranea praebentur: 3. machina, & catena corpori segregato nonnisi definitam signorum quantitatem exhibeat, quam illud solum corpori cum solo communicanti tribuit: 4. tubus vitreus electricus inter ligneas tabellas duas plano verticales, & invicem parallelas horizontaliter constitutus pro diversâ tabellarum inter se distantia bracteas ex orichalco super mensae plano positas modò attrahat, modò non attrahat: 5. si quis segregatus unâ manu catenam, alterâ ensem teneat, è cuspide Cometes prodeat, qui vividior, ac longior est; si ensis admoveatur digito hominis cum solo communicantis, & multò vividior, ac longior, si digito hominis segregati cum machinâ communicantis obijciatur; & contrâ si cuspis catenae approximetur, Cometes evanescat: 6. digito catenae admotò scintillae eliciantur, & objectâ manu catenae parallelâ nullae scintillae, sed lenis aura excitetur; quo experimento in tenebris instituto, extremi manus pili luce fulgeant exigua: 7. ex aquâ scintillae elici possint: 8. si certo ordine tintinabula è catenâ electricâ pendeant, ac disponentur, eorumdem motus, ac sonitus successivè sequatur.

CIX. Tum Phyla Batavica, tum Magica Tabula, dum onerantur, aut exonerantur, hæc gaudent proprietate, ut nulla possit vaporis electrici quantitas in alterutrâ earundem superficie congeri, quin aequalis quantitas ex oppositâ superficie detrahatur; neque ulla exundantis in alterâ superficie vaporis pars detrahi possit, quin simul tantumdem alteri superficie restitatur.

CX. Virtus imprimendi ictum in vitro tantummodò refidet: utraque verò armatura, non causa, sed veluti conditio ad onerandam, & exonerandam phylam, ac tabulam magicam necessaria habenda est.

CXI. Non minus phyla, quàm tabula magica oneratur, quum altera ejus superficies per excessum, altera per defectum electrica sit; exoneratur autem, si corpus communicatione electricum cum utraque superficie, per armaturas communicans transfert fluidum electricum a superficie, in quâ exuberat, ad superficiem, in quâ deficit, atque ita unius excessum exhaurit, alteriusque defectum supplet.

CXII. Hinc explicandi occasio datur, quomodo per diversâ plurium phylarum positione nunc eò plures globi revolutiones requirantur, quò plures numero phylae sunt, nunc idem revolutionum numerus, quò una phyla oneraretur, plures onerare possit; ac propterea ictus etiam nunc pluribus phylis, nunc uni tantum proportionalis accipitur; qui tamen ictus vel ab uno, vel a pluribus simul accipi, vel per arcum ductorem, vel per suber oscillans declinari potest.

CXIII. Non artificiosè solum, sed naturaliter etiam Electricitas in corporibus, ac praesertim in vaporibus aëri atmosphærico innatantibus,

&

& in nubibus excitatur. Quod sanè experimenta ferrae virgae, suprà testum protensae, & in capsâ, pice, vel sulphure, aliove naturâ suâ electrico corpore plenâ, segregatae, a Franklino excogitata demonstrant.

CXIV. Ex naturali hoc Electricismo plurima sunt phaenomena explicanda; nempe nimbofae nubes, quae ad montium cacumina, aut ad alias in altum erectas moles dirigi, atque ibi frequentiores, ac furiosiores tempestates gignere solent; nubium fulguratio, quam tonitru ut plurimum consequitur, licet fulgurationes aliquae sine ullo fragore sensibili videantur; grando, quae in procellosis nimbis aliquandò decedit; quin etiam artificiosâ Electricitate grandinem imitari licet.

CXV. Indè etiam fulminum genesim, causam, eorumque phaenomena derivamus. Sicuti enim Frankliniana virga modò per excessum, modò per defectum electrica est; ita & diversimodo diverso tempore Electricitatem in nubibus respectu Telluris conjicimus: atque adeò tum in atmosphaerico aëre, tum in imis Terrae visceribus fulmina efformari, indèque erumpere posse dicenda sunt.

CXVI. Phaenomena verò nulla in fulminibus explicandis adsunt, quae in artificiosâ Electricitate exemplum non habeant. Hinc ratio patet, cur 1. ad acuminata corpora potissimum fulmina dirigantur: 2. ignes fatui saepè suprà navium malos, aut antennis in tempestatibus appareant: 3. clavos è muro fulmina aliquandò evellant, eorumque cuspides solvant, sed muro parcant; & plumbeos aquarum ductus aliquandò penitus dissolvant, quin aquam tollant: 4. è cyathis interdum vinum hauriant, & vasa relinquunt: 5. proceras arbores rectâ si dant, quin ullum in iis vestigium fulminis relinquunt; aliquandò etiam corpora repente comburant, & superstites illorum partes nidore quodam infectae remaneant: 6. aliquandò muros domorum perforent, quin diruant; aliquandò hominem percutiant, & proximo alteri parcant; patinas etiam metallicas aliquandò è manibus abripiant, quin manus laedant: 7. aedificia interdum evitant, ac sursum faxes ejaculentur: 8. aurum, argentum, aliave metalla, nummosque dissolvant, quin ullam crumenam, proximisque corporibus laesionem inferant.

CXVII. Ad Typhones autem, ac Turbines producendos, explicandosque non solum electricam vim, sed aëris etiam fixationem necessariam esse nos cum Halesio censemus: & quomodo tum electrica vis, tum fixatio aëris ad Turbinem ac Typhonem generandum concurrat, & quaeenam inter Turbinem, Exhydriam, Ecnephiam, ac Praeferem differentia intercedat, exponimus.

CXVIII. Excitari etiam in imis Terrae visceribus electricam vim, ac Terrae-motus phaenomena producere verosimillimum putamus.

CXIX. Si a terrestribus ad coelestia corpora oculos, mentesque attolamus, prima omnium jucundissima, ad perquisitionem digna nobis occurrat Lux, quae, si in corporibus proprio lumine fulgentibus consideretur, primaria dicitur: si verò ab hujusmodi corporibus propagata spectetur, secundaria vocatur.

CXX. Lumen secundarium 1. undequaque in modum sphaerae è corpo-

- re lucido aequabiliter propagatur: 2. & quidem per lineam sensibilibiter rectam: 3. sed ita tamen, ut radii ejus conos lucidos efficiant: 4. intensitas luminis per radios divergentes propagati est in ratione inversâ duplicatâ distantiarum.
- CXXI. Hanc luminis propagationem praesertim ex Cl. Roëmeri observationibus circa Circumjovialium Eccipses institutis non instantaneam, sed successivam esse faciliè demonstratur. Nec quidquam obstant sive Cassinianae, sive Maraldianae observationes.
- CXXII. Naturam verò secundariae hujus lucis in jugi particularum emissione à corpore lucido consistere cum Cl. Newtono affirmamus, quin tamen ulla sensibilis jactura ob summam lucidarum particularum tenuitatem in eo corpore timenda sit. Hâc etiam summâ lucis tenuitate, admittâ tot, tantique effectus, quos lumen in ustoriis speculis collectum producere solet, optimè explicantur, si cum Cl. P. Rogerio-Josepho Boscovich effectus iidem occasionaliter tantum, ac mediâtè a lucidis particulis, & immediâtè à mutuis particularum corpus inflammatum componentium actionibus repetantur.
- CXXIII. Quare neque Peripatetici, qui lumen esse accidens ab utrumque volunt, neque Cartesius, neque Eulerus, qui lucis naturam in elastico oscillatorio vel subtilis fluidi, vel luminosae materiae motu sitam esse contendunt, audiendi sunt.
- CXXIV. Has denique luminis particulas a corpore luminoso per vibrantem ipsius partium motum excuti, & quidem in aliquibus ab immediato contactu distantis, uti etiam in reflexione contingere experientiâ constat, Cl. Isaacus Newtonus nos docet. Quam partium à lucido corpore vibrationem faciliè ex ingenti ejusdem corporis fermentatione, intestinoque particularum motu, qui in quâlibet inflammatione, ac fermentatione satis apparet, oriri posse Cl. P. Rogerius-Josephus Boscovich, rectè monet, ac declarat.
- CXXV. De lucis reflexione, seu de Catoptricâ, quae visionem per radii reflexum effectam considerat, pauca attingamus. Veteres Philosophi lucis reflexionem ex impactu in solidas corporum partes oriri arbitrantur, sed Newtonus pluribus experimentis, eam in minimis ab immediato contactu distantis fieri comprobavit.
- CXXVI. Totius fermè Catoptricae fundamentum est in radiis lucis incidentiae, & reflexionis angulorum aequalitas: hinc lux reflexa eâdem velocitate, quâ incidens, pergit; neque enim in obstacula incurrens ullam suae celeritatis partem amittit, quam iterum non recuperet.
- CXXVII. Cathetus incidentiae est perpendicularis à puncto radiante ducta ad superficiem speculi etiam productam: cathetus reflexionis est perpendicularis ducta à quovis puncto radii reflexi ad superficiem speculi etiam productam, si quando sit opus. Non minùs hae catheti, quàm radius incidens, & reflexus sunt in eodem plano ad superficiem reflectentem perpendiculari.
- CXXVIII. Jam verò ad specula convertamur. In specula plana radius a puncto radiante projectus, & ad alium terminum ab iis reflexus viâ

viâ omnium brevissimâ pergit. Locus, in quo objectum reflexè in speculo plano visum apparet esse, est concursus radii reflexi cum catheto incidentiæ, si post speculum ambo producantur.

CXXXIX. Distantia hujus apparentis loci a speculo, est æqualis distantiae objecti ab eodem speculo: & distantia imaginis ab oculo est æqualis radio incidenti, & reflexo simul sumptis, eadenique imago est similis, & æqualis objecto; & respectu oculi in eodem situ est, atque ipsum objectum. Hinc, 1. spectatori se, vel alia objecta in speculo plano intuenti dextera apparent sinistra, & versâ vice: 2. accedenti ad speculum, etiam imago accedit, a recedente autem recedit.

CXXX. Si radii, per quos punctum in speculo plano reflexè videtur, producantur juxtâ directionem, quâ ab objecto ad speculum feruntur; omnes ad idem punctum concurrent in catheto reflexionis ult à speculum productâ, & ad distantiam illi æqualem, quâ oculus a plano speculi distat. Atque eadem est objecti visi magnitudo, quæ per visionem directam esset, tum oculo existente in catheto reflexionis post speculum ad eandem distantiam, tum objecto post speculum constituto ad tantam distantiam, quanta est cathetus incidentiæ.

CXXXI. Ex radiis ab uno radiante puncto emissis unus tantum ad unum punctum per speculum planum reflectitur. Hinc lucem a speculo plano emissam directâ luce intensiorem non esse colligimus.

CXXXII. In speculo plano horizonti ad angulum semirectum inclinato objectum verticale veluti horizonti parallelum, atque in aëre pendulum apparebit: & objectum horizontale in verticali positione videbitur. Si verò angulum, quem speculum cum horizonte efficit, sit minor semirecto, objecti verticalis imago inverti incipiet, donec speculo horizonti parallelo eadem imago omnino inversa representetur.

CXXXIII. Si bina specula angulum acutum inter se efficiant, & objectum in rectâ bifariam angulum secante positum sit, oculus inter urum speculum, & rectam objecti constitutus pluriès multiplicatum videbit objectum ob multiplicem diversam radiorum reflexionem ab uno speculo in alterum. Polyedron quoque ob diversas ad oculum reflexiones radiorum in diversas facies incidentium objecta multiplicat.

CXXXIV. Si objectum inter speculum convexum, & ejus focum ponatur, tunc ejus imago major magnitudine, & remotior, hoc est ad majorem distantiam ultra speculum, quàm citrà ipsum apparebit; eadenique semper recta, & in arcum speculo concentricum conformata erit, quæ, quò magis objectum removebitur, eò magis in magnitudine decrescet.

CXXXV. Si objectum haud valdè ultra speculi concavi focum collocetur; illud inversum, & magnitudine minus exhibetur. Si verò in speculi ejusdem concavi foco statuatur objectum; oculus in eodem foco existens imaginem objecti per totum speculum diffusam videbit. Si tandem objectum inter speculum, & ejus focum positum fuerit; in eodem speculi foco, veluti in aëre, pendulum representabitur, & ab oculo ultra focum locato ibidem in eodem foco, & inversum videbitur.

CXXXVI. Ad Dioptricam quod attinet, quæ visionem per radium refractum

Atum habitam contemplatur; omnia ad refractionem pertinentia feliciter explicantur, si cum Cl. Nevvtono vis mediorum attractiva, quae refractioni sit proportionalis absque controversiâ admittatur.

CXXXVII. Quandiu lucis radius per medium homogenum progreditur, vel ab uno in aliud medium sive aequalis, sive diversae densitatis perpendiculariter incidit, nullam refractionem patitur, & recta pergit.

CXXXVIII. Si radius ab uno in aliud medium magis densum oblique incurrat, a recta semita ut plurimum ita declinat, ut ad perpendicularem accedat, suumque motum acceleret. Si radius a densiori medio in rarius oblique incurrat, ut plurimum ita refringitur, ut a perpendiculari recedat, motumque retardet. Quae duo non sine exceptione aliquâ sumenda sunt, nam licet refractiva corporum vis rationem eorum densitatis sequi soleat, nonnulla tamen corpora sunt, in quibus experimenta probant vim refractivam in ratione densitatis directâ minime esse.

CXXXIX. Inter sinus angulorum incidentiae, & refractionis constans est ratio, modò idem refringens medium, ejusdemque speciei radius maneat, nullumque sit impedimentum. Inter radios, qui unum medium oblique subeunt, & radios, qui ex eodem medio oblique in pristinum exeunt, ratio tum sinuum anguli incidentiae, & anguli refracti, tum celeritatum radiorum est reciproca.

CXL. Ad Dioptricam sp. tant refractiones, quae per vitra plana, convexa, & concava fiunt. Radii physice paralleli oblique in vitrum utrinque planum incidentes, etiam post refractionem paralleli incedunt. Si inter oculum, & radius obj. sit punctum ponatur vitrum, cuius binae superficies sint sibi parallelae, & oculi axis ad superficies sit perpendicularis, objectum vtro propius apparebit.

CXLI. Objectum reus lentis ut utrinque convexam ab oculo in eodem, lentis foco vitum, & remotius, & magnitudine magis auctum apparebit, quàm revera sit.

CXLII. Si sphaerica lens utrinque concava fuerit, per ipsam objectum, inter, & oculum positam, objectum & lenti propius, in foco scilicet imaginario, & magnitudine minus, & rectum videbitur.

CXLIII. Ad radium refractum etiam colorum Theoria refertur. Rejctis hac super re Aristotelis, Cartesii, Malebranchii, Euleri, Galiendi, Boylei, aliorumque opinionibus, Cl. Nevvtoni sententiam amplectimur, qui colores ex parte medii in radius luminis, quos corpora ad oculos reflectunt, consistere docet, ex parte autem objecti pendere a variâ partium corporis texturâ, ac dispositione, quâ radii diversimodè reflectuntur, eamque non nisi conditionem esse, sine quâ color in objecto non videretur, adeoque, ante refractionem, & reflexionem a corporis superficie ortam, radios ex naturâ suâ vi organum visus commovendi ita praeditos esse, ut varias colorum sensationes excitare possint.

CXLIV. Lumen solis in hac Theoriâ ex radiis heterogeneis constat, iidemque radii diversâ tum refrangibilitate, tum reflexibilitate ita ex naturâ suâ praediti sunt, ut quorum major est refrangibilitas eorundem major etiam sit reflexibilitas.

CXLV.

CXLV. Pro diversâ radiorum refrangibilitate, ac reflexibilitate iidem radii aptitudine ad certi coloris sensum excitandum inter se differunt. Septem verò tantummodò sunt radiorum solis colores primigenii, iidemque ex naturâ suâ immutabiles, Rubeus nempe, Aureus, Flavus, Viridis, Caeruleus, Indicus, Violaceus, quorum primus omnium minimè, postremus maximè refrangibilis est, caeteri autem intermedii magis, minùsve sunt, quatenùs ad violaceum, aut rubeum magis, minùsve accedunt. Hae refractionum differentiae analogiam servant cum differentiis longitudinis chordae reddentis muscos tonos in octavâ progredientem per tertiam minorem, & sextam maiorem.

CXLVI. Diversi corporum naturalium colores pendent, tum a diversâ dispositione, quâ tenues, ac pellucidae corporum laminae pro variâ crassitudine gaudent ad certos coloratos radiolos parcius, aut copiosius reflectendos, reliquis maximâ ex parte transmissis, tum a quarumdâ vicium intervallis, per quas faciliùs modò transmittuntur, modò reflectuntur, quae intervalla in diversis staminibus coloratis pariter diversa sunt.

CXLVII. Inter praecipua phaenomena, quae a radiis Solis refractis exhibentur, pulcherrima sunt Halones, Parhelli, Paraselenae, & Iris. Haec omnia ex radiis Solis in aquae guttis refractis, & ad oculum spectatoris certâ cum lege reflexis producuntur. Plerumquè unus tantum Iridis arcus, interdum duo; raro admodum tres in Caelo visi sunt, qui concentrici apparent. Interior Iris, Primaria, exterior, Secundaria dicitur, quarum prima oritur è refractionibus duabus, & unâ reflexione in guttis aqueis, altera è radiis in guttis aquae bis refractis, & bis reflexis exurgit.

CXLVIII. Si a propagatâ luce ad caelestia corpora, unde diffunditur, eorumque systema contemplandum ascendamus, alia proprio lumine micare, alia verò lumine a lucidis corporibus mutuato fulgere videmus: quorum prima Fixae, sive Inerrantes vocantur propter eundem situm, quem saltem physicè inter se constantem servant; altera in Planetas, & Cometas dividuntur. Inter Fixas Hypothesis Copernicana Solem recenset, qui atmosphaeram sibi undiquè circumfusam habet, unde Zodiacale lumen provenit, ex quo Borealis Aurorae phaenomena pendent.

CXLIX. In Planetario systemate congeries septemdecim corporum praecipuè continetur; quorum unicum, omniumque maximum proprio lumine splendet, nempe Sol. Celeberrimae huius systematis hypotheses ad explicanda caelestia phaenomena excogitatae tres potissimae nuncrantur, Ptolemaica scilicet, Copernicana, & Tyconica. Ptolemaicam, ac Tyconicam & astronomicis observationibus, & Physicae legibus minùs congruere iudicamus.

CL. Copernicana verò Hypothesis tum observationibus astronomicis, tum Physicae legibus mirificè consentit. In hac Planetae primarii sex immediatè circa solem revolvuntur, nimirum Mercurius, Venus, Tellus, Mars, Jupiter, & Saturnus: secundarii decem circa primarios immediatè, & unâ cum illis circa Solem gyant; circa Tellurem unus,

sci-

scilicet Luna: quatuor circa Jovem, qui etiam quasdam fascias inter se parallelas, non tamen semper numero, ac latitudine aequales exhibet; quinque circa Saturnum, quem circulus etiam tenuis, iatus, & circumquaque disjunctus cingit.

CLI. Tellus verò triplici motu, juxta hanc hypothesim, translationis, rotationis, & parallelismi movetur; quo admissio directiones, stationes, retrogradationes Planetarum omnium, apprensus Solis ortus, & occasus, atque annua ejusdem revolutio, dierum & noctium inaequalitates, tempestatumque vicissitudines, aequinoctiorum praecessio, diurnus fixarum ab Oriente in Occidentem, alterque contrarius ab Occidente in Orientem lentissimus motus, caeteraque caelestia phaenomena facile explicantur.

CLII. Motus Periodicus Planetarum juxta Newtonum tum ex vi gravitatis in ratione reciproca duplicata distantiarum a puncto, in quod tendit, quam proximè agentis, tum ex vi projectionis primitus impressae oritur. De vi projectili nulla difficultas esse potest, si vis centripeta, ejusque leges cognoscantur. Pro diversa vis projectilis cum vi gravitatis compositione Planeta in circulari, vel in elliptica minori, vel majori, vel enormiter excentrica, qualis est cometarum ellypsis, vel, in parabolica, vel hyperbolica curva moveri potest, qui tamen postremi motus, quantum nobis constat, in naturâ non extant.

CLIII. Cl. Keplerus, quamvis omnem caelestium motuum rationem demonstrare non potuerit, vera tamen principia conjecit, eaque tribus legibus designavit: 1. Planetae secundarii circa primarios, atque hi cum illis circa Solem in ellypsibus non valde excentricis communem focum vel in resp. sibi primarii centro, vel in Sole habentibus revolvuntur; 2. arcae, quas recta, seu radius Planetam cum Sole, vel satellitem cum suo primario conjungens verrit, sunt temporibus proportionales: 3. tempus unum periodicorum quadrata in diversis Planetis sunt ut semiaxium, tra. sversorum, seu distantiarum mediarum cubi.

CLIV. Ex quibus Newtonus inde deduxit, Planetas omnes in Solem tendere vi decrescente in ratione reciproca distantiarum duplicata, eademque vi satellites etiam in suos primarios urgeri, quin etiam vim, qua Lunam Terram versus fertur, eandem esse, ac vim gravitatis terrestrium corporum.

CLV. Quum verò omni actioni aequalis, & contraria sit reactio, mutua pariter horum corporum gravitas esse debet. Quare in Planetas omnes Sol, primarii omnes in suos secundarios, Terra in Lunam, & in quamlibet circumterrestre materiae particulam, & ex inductione, atque analogiâ singulae materiae particulae in omnes, & singulas, juxta praedictam legem, gravitant, omniaque corpora in hoc systemate communi quodam vinculo inter se conjunguntur.

Quae de phaenomenis ex mutua horum Planetarum tendentiâ ortis, deque eorumdem figurâ, densitate, aliisque id genus, quaeque de caeteris corporum sensibilibus qualitatibus usque ad autumnales ferias pertractanda supersunt, ea publicae disputationi propter temporis angustias

stias exponi non potuerunt : atque adeo selecta ex Physicis hæc sint satis.



EX METAPHYSICA.

CLVI. **M**etaphysica quum ex unâ parte sit rerum a materiâ secretarum scientia, ex aliâ verò parte res duplici modo, nempe vel naturae suae conditione, vel mentis abstractione a materiâ secretarum sint; idcirco duas quasi in partes ipsa dividitur, quarum prima Pneumatologia, altera Ontologia dicitur. Verum hic, praetermissis, quae ad Ontologiam spectant, nos ea, quae dignitate, & utilitate praestant, ad Pneumatologiam pertinentia, propugnanda seligimus.

CLVII. Atque in primis Dei Existentia, ejusque praecipua attributa, contrâ Materialitatem, Pantheistas, Manichaeos, & Deistas evincenda sunt. Nullâ tamen demonstratione a priori sive physico, sive logico, aut a quasi priori deductâ, nisi in sensu conditionato Dei Existentiam demonstrari posse; quin etiam Metaphysicam a posteriori demonstrationem ex contingenti rerum existentia desumptam vel supponere id, quod in quaestione est, vel plures involvere quaestiones aegrè admodum dirimendas faciliè damus. Argumentis itaque physicis, ac moralibus Deum existere a posteriori demonstramus.

CLVIII. Ex universâ Physicâ, & ex intimo sensu nostrae libertatis ad corpora movenda apertè constat, materiam ad statum esse planè indifferentem, nullamque nisi praeviis quibusdam circumstantiis actionem, ac statum ejusdem materiae determinari posse. Hinc inferimus 1. certum materiae statum neque ab infinitâ statuum praecedentium serie, neque a totâ omnium corporum collectione potuisse determinari: 2. actionem causae extrâ materiae universae congeriem positae, necessariò praesupponendam esse: 3. materiam, quae ad statum, seu ad existendi modum se determinare non potuit, multò minùs ad existendum ex natura suâ, sed ab extrinsecâ solùm causâ esse determinatam.

CLIX. Hanc verò Causam primam mente, & consilio praeditam esse, non modò ex intimâ nostrae mentis conscientia, sed ex Universi contemplatione deducimus. Quum enim ex diversâ particula:um materiae in Universo dispositione, mutuâque inter se distantia, ex motuum directione, ac velocitate numerus combinationum possibilium inordinatarum infinitus tertii ordinis habeatur, quamvis combinationum ordinarum infinitus etiam numerus esset, hunc tamen rerum ordinem casu, sive a causâ temerè operante exurgere non potuisse evidens omnino est.

CLX.

- CLX. Quum autem maxima sanè, etsi finita, partium, quae Univer-
sum componunt, multitudo, elegantissima earumdem dispositio, mu-
tuaque in unum ordinatissima, atque utilissima conspiratio sit; sapien-
tissima quoque causa fuit, quae praesentem hunc rerum statum prae
aliis infinitis opportunè determinavit.
- CLXI. Quà Primà extrinsecæ Causæ Sapientiâ cognitâ, non solum
summa ejusdem Potentia constat; sed omnium etiam Materialistarum,
qui fortuito casui aequalem omnium rerum existentiam adscribunt, im-
pium systema corrui.
- CLXII. Qui verò Pantheistae cum Benedicto Spinozâ unicam in Univer-
so substantiam, materiam scilicet ratione praeditam, tamquam Deum
admittunt; & proprietates materiae tribuunt, cogitationem nimirum,
atque essentialem ad existendum determinationem, quae nullo modo
materiae possunt convenire, & Deo spiritualitatem, simplicitatem, a-
liaque eidem necessaria attributa impliissimè detrahunt.
- CLXIII. Ex moralibus verò argumentis, quibus Dei Existentia convin-
citur, primum ex eo desumitur, quod omnes omnium aetatum Na-
tiones in eam consenserint persuasionem, quod Deus existat. Neque
huic argumento quidquam obest Atheorum gens, quam si de negativis,
aut interno directis Atheis sit sermo, nos cum Equite Laurentio Ma-
galotto nullam veram fuisse, & esse propugnamus, & si qua est, uni-
versalem hanc consensum circa Dei Existentiam certè non destruere
censemus.
- CLXIV. Alterum morale argumentum ex convenientiâ tum praemii vir-
tuti, tum poenae decernendae vitio pendet: ex quo necessaria supre-
mi alicujus Moderatoris, & scelerum Vindicis, & virtutum Remu-
neratoris Existentia deducitur.
- CLXV. Et quoniam ex praesenti rerum statu necessitas Primæ Causæ,
tamquam Entis improducti, & independentis, inferitur, quod proinde
ex naturâ suâ pro quolibet temporis differentiâ determinatum ad exi-
stendum intelligitur; sic eadem Causa possibilitatem omnium perfectio-
num genere cumulativè instructa necessariò esse debet.
- CLXVI. In summâ hujus Causæ perfectione, & in suo Entis naturâ suâ
existentis conceptu etiam Unicitas includitur. Hinc & contrâ Poly-
theistas Deorum multipliciter esse rejiciendam, & contrâ Spinozam
a Deo compositionem omnem esse removendam faciliè patet.
- CLXVII. Quum Providentia sit rerum omnium ad suos fines ordinatio,
ejusque ordinationis per certa, atque infallibilia media executio, hanc
Deo Providentiam in ordine naturali essentialiter convenire contrâ E-
picureos, ac Fatalistas affirmamus. Mundus igitur, quaeque in eo res
creatae sunt, divinae huic Providentiae ita subjiciuntur, ut omnia sem-
per juxta eorumdem naturam regat, ac gubernet Deus. Hinc etiam
exilia quaeque, & infima curat, quin hoc Divinam Majestatem de-
decat.
- CLXVIII. Ad Providentiam Divina Praescientia pertinet, eamque signo
praecedere, ac quodammodo dirigere dicitur: siquidem per hanc quid
possit

- possit Deus, quid facere debeat, & quomodo causis liberis providere, ne ullam iisdem necessitatem imponat, ipse intelligit.
- CLXIX.** Haec igitur divina Praescientia cum creatâ humanâ libertate optimè conciliatur. Eaque per se sola nihil aliud est nisi purus intuitus, quo Deus omnia praevidet: quare si sit scientia simplicis Intelligentiae, sive scientia Visionis, sive scientia Conditionatorum, in se sola spectata, rerum, quas videt, Causa dicenda non est.
- CLXX.** Quamvis creatae causae juxta naturam suam agendi virtute praeditae sint; iis tamen divinum Concursum physicum, & immediatum ad omnes, & singulas operationes necessarium esse, tum sacra auctoritas, tum ratio ipsa persuadet.
- CLXXI.** Duplex autem Dei Concursum, alter scilicet in actu primo, alter in actu secundo distinguendus est: quorum primus est divina Omnipotentia, quae ex vi decreti intimè cum creatâ causâ conjungitur, ut haec possit juxta naturam suam operari; alter verò est eadem Omnipotentia, quae per unam indivisibilem actionem simul cum creatâ causâ effectum producit.
- CLXXII.** Quod si hic divinus Concursum in actu secundo ejusmodi esse dicatur, ut in actibus Creaturae liberis creatâ causa per modum principii liberi, Deus verò per modum principii necessarii agat, nihil profectò admittitur, quod Sanctitati divinae repugnet.
- CLXXIII.** Quare, duplici hoc divino Concursum admissò, non solum, duo illa Manetis Principia, alterum nempe Bonum, bonique Auctor, alterum verò Malum, malique Causa, quae, juxta impiam Petri Baylii sententiam, simul in focus coiverint, omninò excluduntur; sed omnia etiam tum quae ad sanctitatem, & dominium divinum, tum quae ad agendi virtutem, & libertatem humanam spectant, optimè salvantur.
- CLXXIV.** Demonstratâ increati divini Spiritus Existentiâ, ejusque attributis, nunc Spiritus creati, quo nos informamur, ac vivimus, natura cognoscenda est. Existere Mentem humanam, sive rationalem Animam, non ex Fide solum, sed ex naturali etiam ratione, & experientia constat. Verùm circa ejusdem Animae humanae naturam, unitatem, & originem maxima sanè opinionum, errorumque varietas semper fuit.
- CLXXV.** Primò itaque circa ejus Naturam, rejicimus tum Epicureorum deliria, qui illam non substantiam, sed quamdam accidentium, ac temperamentorum harmoniam esse affirmabant, tum veterum Philosophorum Anaximandri, Anaxagorae, Anaximenis, aliorumque errores, quorum aliqui Animam esse substantiam igneam, alii aëream, plerique verò cum Cleante, Chrysippo, & pluribus Stoicis, atque Epicureis, quos Materialistae recentiores secuti sunt, absolutè corpoream volebant, contra quos Catholica Doctrina duplici Lateranensi Concilio stabilita fuit.
- CLXXVI.** Deinde circa Animae Unitatem, non solum erroneam illam Materialistae sententiam, quae multiplicem Animam humano in corpore admittebat, ex ipsorum principii omninò absurdam esse apertè constat; sed pluralitas etiam illa, seu divisibilitas Animae in duas partes

tes, intellectualem unam, irrationalem alteram, ab Occamo, ab Antonio Mirandulano, aliisque adferta, ex iis, quae de mutuo Animam inter, & Corpus commercio alibi diximus, veluti saltèm inutilis, & arbitraria facilè evincitur.

CLXXVII. Deniquè circa Animae Originem, quatuor celeberrimas opiniones, quae prae caeteris extiterunt, primam scilicet Pythagorae de Animarum transmigratone; secundam Platonis, qui Mentem humanam, non solum Dei opus, sed etiam Dei partem ex ipso, & de ipso, & ab ipso factam esse statuebat; tertiam Benedicti Spinozae, qui unicam in mundo materialem substantiam, cujus veluti partes essent humanae mentes, contendebat; quartam Luciferianorum, qui rationales Animas petendè, ac corpora, ex semine propagari, & ex parentibus in filios traduci arbitrabantur, quae quidem opinio, antequàm ab Ecclesià damnareretur, placuit olim nonnullis etiam Ecclesiae Patribus, Origeni praesertim, & Tertulliano, ut indè facilius explicarent, quomodo originaria Labes ex Adamo in Posteris manaverit; hos, inquam, errores omnes & Animae Spiritualitatis, quae aliundè demonstratur, & Auctoritas Patrum, & Concilium Lateranensium, & Constantinopolitanum, quae Animas rationales a Deo creari, & in Corpora, quibus conjunguntur, infundi, docet, ac definit, satis refellit.

CLXXVIII. Utùm verò humanae Mentis a Deo creatae corpori adhuc imperfecto, an solum perfectè organizato uniantur; & quonam tempore corpori jam perfectò conjungantur; & quonam momento ritè efformatum sit corpus humanum; haec nullà invidià ratione demonstrari, ac definiri possunt, vel saltèm hæcenus demonstrata minimè fuere.

CLXXIX. Rejctis hisce erroribus, ad rationalis Animae Naturam explicandam, eligimus eam definitionem, quae & Recentioribus magis aridet, & menti D. Augustini de *Quantitate Animae*, num. 22., congruit: Eam scilicet esse spirituales substantiam, cogitandi capacem, regendoque corpori accommodatam.

CLXXX. In hac definitione tum spiritualis Animae essentia, tum duo praecipua ejusdem munera declarantur; alterum primum, quod Menti in omni statu convenit, esse nimirum cogitandi facultatem; secundarium alterum, quod non nisi in uno statu ei competit, habere scilicet unionem cum Corpore, arctissimumque commercium: de quibus tamen muneribus, quum satis prolixè in Logicis disseruerimus, hoc loco nihil agimus.

CLXXXI. Naturam humanae rationalis Animae Spiritualesse ex ejusmet nobilioribus actibus, attentà naturali ratione, demonstramus, quos, cogitationem scilicet, & volitionem, materiae viribus, ac modificationibus quibuscumque tribui posse, contra Epicureos, omnesque recentiores Materialistas absolute inficiamus.

CLXXXII. Neque arguenda, sive quæ a Brutorum Animantium operationibus, quarum aliquæ admirabiles, nobilesque sunt, ut vix ab humanis differre videantur, sive quæ a munere, quo Anima tamquam Corporis forma in ipso iungitur, ab adversariis deduci solent, nostram de Animae Spiritualitate demonstrationem infirmant. CLXXXIII.

CLXXXIII. Ut hanc spirituales Animam esse quoque Immortalem ostendamus, in primis intrinseca, & absoluta Immortalitas ab extrinseca, ac relativâ distinguenda est; quarum altera omne interitûs principium a Viventis naturâ excludit, altera verò postulat, Vivens a nullo extrinseco Ente annihilari posse. Utraque Immortalitas uni Deo perfectè convenit, qui necessario existit, neque ab extrinseco naturæ suo principio, neque ab extrinseca ullâ causâ destrui potest.

CLXXXIV. Spirituali autem Animæ humanæ nullum in suâ simplici naturâ principium interitûs esse, adeoque intrinsecam illi immortalitatem esse tribuendam, neque ullam præterea creatam extrinsecam causam haberi, quæ eandem Animam destruere possit, naturali ratiocinio demonstramus.

CLXXXV. Tandem, etsi Deus absolutè possit, illum tamen numquam eandem Animam annihilaturum esse duplici morali argumento evincimus: quorum primum ex eo pendet, quod substantia spiritalis semel condita deterioris conditionis, quàm corporea substantia, esse non debeat; alterum verò ex eo provenit, quod Deus & scelerum Vindex, & virtutum Remunerator sit.

E I N I S.



